


嘉靖邵武府志

地310.111
1275
部三:1.6



天一閣藏明代方志選刊

邵武府志

一九六四年一月上海古籍
書店據寧波天一閣藏明嘉
靖刻本景印原書版框高二
二·〇公分寬一四·二公分

邵武府志敘

邵武府志志邵武之爲府也夫志也者志也史也今之郡縣古諸侯國也郡縣志則國史也然而今之志能與于古史者亦罕矣史之變體爲志蓋始于史固志之凡爲圖爲表爲世家爲傳蓋始于史遷遷合左史右史以立一家言而固復因遷書爲志也故並稱良史云以予觀于見吾子之爲邵武志見古史之遺而知王道之易易也夫首之以天文言乎其上律也次之以地理言乎其下襲也次之以王制言成能乎其中也是故讀其志天文爲星野爲應候而乾象昭矣讀其志地理爲山川爲形勢爲風俗而坤輿察矣讀其志王制爲建置爲封域爲城池爲制宇爲秩官爲版籍爲水利爲津梁爲學校爲選舉爲宮室爲祀

典爲兵防而治具張矣惟王體國經野設
官分職因天成地以爲民極故曰以予觀
于是志而知王道之易易也猶未也此其
大義也三才備而人文昌受之以人物爲
世家爲列傳而文獻徵矣擬之雜卦亂詩
受之以外志終焉其事則實錄其文則史
其義則有所本之矣仕者于是觀政學者
于是觀德非古史之遺乎邢守以成事來
告且請爲敘予嘉是志足爲斯郡資治之
監而隼于王道之成也故敘之

嘉靖癸卯秋八月辛丑

賜進士第中順大夫奉

勅視學福建按察司副使玉山夏浚書



邵武府志目錄

第一卷

天文

星野

有圖

應候

雜占附

第二卷

地理

山川

有圖

巖峯嶺嵒嶂洞石坪
溪潭洲灘池物產附

形勢

勝景附

邵武府志目錄

卷一

風俗

王制

建置沿革

有表

封域

有圖都保里至附

城池

街市附

第三卷

制宇

倉庫藥局附

第四卷

秩官

有表

第五卷

版籍

戶口 土田 賦役 貢

第六卷

水利

泉 祭 源 陂 塘
井 坑 圳 埂

津梁

第七卷

學校

小學附

第八卷

選舉

有表

第九卷

宮室

精舍 書院 堂 樓 臺 亭 軒 閣
使院 隱居 宮 苑 廳 祠 坊

第十卷

祀典

專祀義祀附

兵防

屯田民兵關隘寨附

第十一卷

人物

李忠定公世家

何李二氏世家

第十二卷

名宦

宦蹟附

第十三卷

鄉賢

名人附

第十四卷

孝義

貞女

隱士

僑寓

邵武府志目錄

三

卷

第十五卷

外志

奸佞

寺觀


庵院仙釋雜祠附

讓志邵武無亦科條舊貫非所謂作乃若舉凡立義則亦竊取之矣惟天始萬物故首之以天文其目爲星野爲應候地載神氣故次之以地理其目爲山川爲形勢爲風俗惟王贊助參配天地故次之以王制其目爲建置爲封域爲城池爲制宇爲秩官爲版籍爲水利爲津

梁爲學校爲選舉爲官室爲祀典爲兵防庶幾乎不廢
三才之理以定綱維天以生氣地以成質王以惇化然
後人道立乃繼之以人物忠義正學章著繫社稷匡世
範民作忠定何李二世家篤信善道不失已因時著名
立業於家邦作名宦鄉賢孝義貞女隱士僑寓六列傳
物情不齊易十翼終雜卦書終泰誓而以外志終焉凡
五類三圖三表二十八篇

邵武府志目錄

天文星野圖



此圖擬諸天體
上覆而仰觀之
斯得之矣

邵武府志卷之一



晉江見吾陳讓編次

郡守當塗邢址訂刊

天文

星野

敘曰天有分星地有分野一氣升沉相得而各有合爲物不貳也近觀郡國紀載皆以天道遠不言天失其本矣昭昭之多必垂氣於坤維一撮土之多必騰精光於雲漢此又何疑故不以邵陽爲小而志星野焉

邵武府志卷之一

一

三

周禮保章氏以星土辨九州之地所封封域皆有分星以觀妖祥自保章職廢星經散佚然十二國之分所入度數載諸傳記者亦多天官三垣二十八舍宮次宿度懸象著明皆可觀覽焉邵武其域爲揚州其次爲星紀其宿爲牛女其辰爲丑雖封域更改不同要之山川不移星屬有定周禮鄭註云星紀吳越也皇甫謐云星紀之次於律黃鍾吳越分野爾雅曰星紀斗牽牛也郭璞註云牽牛斗者日月五星之所終始故謂之星紀左傳昭公三十二年吳伐越晉史墨曰越得歲而吳伐之必受

其殃什者曰歲在星紀則星紀爲越之分星揚州之星
土明矣春秋元命包曰牽牛流爲揚州分爲越國史記
天官書前漢天文志皆云牽牛婺女揚州正義曰婺女
卽須女天少府也又曰牽牛須女皆爲星紀越之分野
漢地理志云粵地牽牛婺女分野劉向曰吳越屬斗牛
女分丹元子步天歌云北方玄武之宿牛六星近在河
岸頭女四星如箕主嫁娶郡國志晉隋元志皆云吳越
其辰在丑是牛女爲揚州之宿又明矣至其分度則又
往往不同黃帝起斗十一度至女七度爲星紀費直起

御武府志卷之一

二

三

斗十度至女五度爲星紀蔡邕月令章句起斗六度至
須女二度爲星紀皇甫謐起斗一度至女七度爲星紀
晉志起斗十二度至女七度爲星紀唐志初斗九度餘
千四十二秒十二太中斗二十四度一千七百八半終
女四度爲星紀元志起斗四度三十六分六十六秒外
入星紀之次惟陳卓范蠡鬼谷張良諸葛亮譙周京房
張衡所云州郡躔次並以會稽入牛一度其說有折衷
焉夫星辰雖散布然無不係屬三垣貫通五緯日隸于
支者宋志云中宮北斗七星第四曰權蒙山以東至南

江會稽震澤徐揚州屬焉天官書云二十八舍主十二

州斗

秉柄

兼之用昏建者杓杓自華以西南星經云斗

杓第六星曰開陽主揚州是揚州直達中宮北斗也又

魁下六星兩兩相比者曰三台宋志云上台爲司命上

台下星主判揚色青爲疾赤爲兵黃潤爲德白爲喪黑

爲憂是於太微屬上台下星也宋志云天市垣二十二

星東西列各十一星其東垣南第六星曰吳越是天市

主東垣南星也石申云南斗魁二星天梁也第一主吳

第二會稽文獻通考云十二國在女下陳鄭北一星曰

會稽府志卷之一

三

三

越是南斗主天梁魁星女宿主諸國越星也天官書云

吳楚之疆候在熒惑占於鳥衡星經云熒惑主揚州唐

志云星紀負南海其神主於衡山熒惑位焉宋志云五

星赤帝燁怒之神爲熒惑位南方主楚吳越以南是五

緯主南方熒惑也天官書云丙丁江淮海岱前漢志云

丁南夷也星經云揚州常以五巳日候之丁巳爲吳郡

會稽漢志云戌主吳越是揚州分配于支也歷代論撰

宿度雖少差移而次舍大畧相因天漢起沒之體晉志

備矣起東方箕尾間分爲南北道南經傳說入河鼓北

經龜至天津下合南道乃西南行從天船而南經北河之南入東井水位而東南行絡南河至七星南而沒僧一行言天十二次分山河脉絡於兩戒紀雲漢升沉於四維以東甌閩中謂南紀南戒爲越門自南河下流涉江淮爲吳越自江源循嶺徼南東及海爲蠻越星紀得雲漢下流百川歸焉故其分野自南河下窮南紀之曲東南負海爲星紀牽牛去南河寢遠自豫章迄會稽南逾嶺徼爲越分蘇軾祖其說作山河兩戒圖我

朝清類分野書實宗之邵武地在東南稱爲侯國無無天之地精氣上發仰觀次宿辰域亦可細推而得矣

論曰甘石之書愚未之學也乃今考據全史羣書之志載乎天文分屬揚越者頗條列之以水氣橫空爲天漢卽江河行于地中而分界乎南北不泥對待方位以天漢升沉之氣統紀十二州一行之說卓越千古矣然古今郡國廢置不同十二星次歲差與日俱積豈能盡合哉馬遷班固皆言陰陽之精氣本在地上發乎夫世以爲至言今觀天開於子漸而地闢人生則必天有是氣然後地有是質天有是象然後地有是形不有驗於人

身則非善言天地精氣上發亦臟腑精華著見于面目者爾渾然一身曾有彼此爲限繫定不移者哉乃若人物之精上爲星辰此又有說而非附麗天體三辰並運之光也十二宮次三十度強在天一度統地二千九百三十二里邵陽千百里侯封當天四分度之一則精光上發不有可觀耶愚昧於推步惟朗霽良宵仰觀牛女之分自輦道望權星以達紫微溢于上台妖氛盡掃一道瑩徹清光豈非江湖之臣之願哉

應候

歲時雜占附

邵武府志卷之

五

雜金剛

敘曰以應候言天非知天者也機見而禍生祥著而福來則又無爽而不可廢考諸志載樵川時變事應又皆昭著可驗爲人上者於其所感可不慎與轉禍爲福在乎其人乃有常存敬畏而邇於患矣者哉

太史公曰凡占國必察太歲所在金穰水毀木饑火旱又曰歲星所在五穀逢昌其對爲衝歲乃有殃又曰三光者陰陽之精氣本在地而聖人統理之所見天變皆國殊窟穴家占物怪以合時應志曰五星有盈縮圜角陵歷犯守之變昭列躔次用告禍福大抵占候之法主在

太歲重在歲星魯昭公時歲星在越吳伐之而受其殃
已著之矣漢元鼎中熒惑守南斗占者曰熒惑所守爲
亂賊喪兵守之久其國絕祀後元封元年閩越王反誅
民徙地遂虛晉隆安四年正月月犯填星在牽牛占曰
吳越當有兵六月乙未又犯牽牛後四年五月孫恩破
會稽殺內史兵相駘籍永嘉六年七月熒惑歲星太白
聚牛女間徘徊進退時謂吳越當有興王自是兩都傾
覆元帝中興楊土秦符堅時會謀南寇石越對以歲鎮
斗牛福德所在而符融以吳越爲不可伐是牽牛得歲

爲祥唐之時月及五星凌犯孛變于牛宿者十有三永
徽三年正月壬戌太白犯牽牛明年越地女子陳碩貞
反景福元年十一月有星孛於斗牛明年五月王潮入
福州遂定汀建州時稱王氣見斗牛門故王潮錢鏐奄
有吳越閩越之地宋三百餘年之間月犯牽牛二十九
掩牽牛一掩牽牛距星二犯牽牛南星三犯牽牛宿羅
堰星十六犯牽牛中星二犯牽牛距星六歲星犯牽牛
二守牽牛一熒惑犯牽牛二填星犯牽牛四留守牽牛
一歲星填星熒惑合于牛太白犯熒惑于牛各一流隕

之出沒於牽牛河鼓者二十一其災異見于邵武軍志者大水七霖雨苦雨五地裂泉湧壓州民一大饑四饑而斗米千錢一大旱三兵亂一大疫一其可比數而知者大中祥符四年五月戊子月犯牽牛占法凡月與列宿相犯其宿地憂月太陰主水七月又犯牽牛八月又犯牽牛其明年七月邵武軍大水天聖四年月犯牽牛是年六月劔州邵武軍大水壞官私廬舍七千九百餘區溺死者百五十餘人治平元年三月月犯牽牛中星十月又犯中星二年二月又犯牽牛十月又犯牽牛四年二三月俱犯牽牛是年秋邵武軍地震地裂泉湧壓覆州民死者甚衆乾道二年二月填星犯牽牛占法土星犯本宿地當受殃其明年八月邵武軍霖雨害稼禾麻菽粟多腐慶元二年泰寧縣耕夫得鏡厚三寸徑尺有二寸照見水底與日爭輝病熱者對之心骨生寒占法異物爲災與日爭輝者旱兆也後年大旱井泉竭人喝多疫死元陰凌陽光天象錯迂流星四見牽牛奔星一起右旗彗星見紫微垣在牛二度九十分牽星在女二度五十分各一大陰犯牽牛十四五緯犯牽牛八故

災異志于邵武路者大水四皆漂流城市居民殆盡大旱大饑大疫四大饑人相食者一隕霜殺稼者一兵亂尤多其可比數而知者順帝至元四年正月太白犯牛宿占法金星所犯之方乃有咎殃是年邵武路大水城市漂流至正三年二月甲辰填星犯牛宿南第一星明年邵武路夏秋大疫五年饑十一年正月丙戌辰星犯牛宿西南星十一月邵武大雨震電雨黑黍如蘆稭占法天雨草其邑民流又曰雨物則其野大兵明年二月江西宜黃賊塗佑與邵武建寧賊應必達等攻陷邵武路十七年十二月己亥流星如金星大尾跡約長三尺餘起自太陰近東往南行沒後化為青白氣明年五月陳友諒遣康泰趙琮鄧克明以兵寇邵武路十九年十一月友諒兵陷杉關二十一年十月甲申太陰犯牛宿距星明年三月光澤大水陳有定屯兵邵武路二十七年十月丁卯歲星太白熒惑聚於斗宿斗宿吳越分歲星會聚為祥是年十二月

太祖遣湯和由杉關定閩中春秋災異必書舊志於水旱疾疫之災亦皆備載

洪武十七年大饑永樂十四年七月邵武光澤大水八月大疫十九年泰